

[13] “Ubufyashi Bobe Bukakwata Impongolo ya Buko” (59-1121), par. E-37

Ilibwe Ilyakukulilako Ilya Bumupashi No.15

Ukwishibikwa Ukwa Bulesa

Luke 24:27, “E ico ukutendeka pali Mose na pali ba kasesema bonse, alabelwila ifya mu malembo yonse ifya mulembelwe.”

Ena, yesu alikwete icitetekelo, na maka Yakwe. Acitile shani Ena? Ena atile, “Teti ncite kantu pa Lwandi,” (*Yohane 5:19*). Mulandunshi? **Ena ashintilile pa fintu Ena ali; Ena ashintilile mu kwishiba ukutula Ena ali Cebo. Kabili Ena alikwete icitetekelo muli Lesa, Uyo uwa mulengele Wene ukuba Icebo. Ena ali Lesa (Icebo), kabili cali muli Wene, kabili cilya capele Wene icitetekelo pa mulandu Ena aliilwike icifulo Cakwe. Ena alishibe ifyo Ena ali, pa mulandu Amalembo yasosele ukutula Ena ali ifi (Luka 24:25-27, 44-45).** Kabili pano Ilembo lyonse lyakakilwemo, ukushininkisha ukutula Ena ali filya fine ifyo Amalembo yasosele Ena akaba, kabili Ena aliishibe ifyo Ena ali.

E ico kanshi, ena ashintilile pa fintu Lesa amulengele Wene. Kabili Ena nga ali citile cilya, **lyena bushe teti tushintilile pa fintu Lesa atulenga ifwe nga abacetekela?** “Ifi fishibilo fikakonka abo abacetekela!” (*Marko 16:17-18*). **Ena alikwete icitetekelo mu fintu Ena ali.** Kabili nga uli uwa cetekela, **ulakwata icitetekelo pa fyo waba: iwe uli uwacetekela!** Kabili nga naukwata icitetekelo muli Lesa, Baibele itila uku lubali muli 1 Yohane 3:20-22, “Nge mitima yesu iletuseka, lyena teti tukwate icitetekelo; lelo nge mitima yesu taituseka, ifwe natukwata ukupama ukupalama kuli Lesa.”

Lelo ilyo lyonse ilyo mulecita ifintu ifya lubana, imwe teti mukwate ukupama kuli Lesa. E ico, mulemona, imwe muli no kwishiba apo pene ukutula na mulufyanya. Imwe apo pene mulaibika mwebene kunuma kulya umu bembu, pa kwishiba ukutula na mulufyanya. **Lelo umutima wenu nga taulemuseka, kabili mwalishiba ukutula muli abacetekela, kabili tapali nangu cimo pakati ka imwe na Lesa, kuti mwalomba ico mulefwaya no**

kwishiba ukutula cili no kupelwa, pa mulandu cena Cebo ico icapelwa kuli imwe nga filya cali kuli balya abasambi (Yohane 14:13).

Nomba, icintu fye ceka ico mulingile ukucita lyena, caba ukukwata icitetekelo muco imwe mwaba. Kwateni icitetekelo mu fintu Icebo cisosa imwe mwaba! Kabili Yesu alikwete icitetekelo mu cebo ca kwa Lesa, ico ica sosele fintu Ena ali, “Calilembwa palwa Ine.” Bushe Dabidi, mu Malumbo; na bakasesema, na bonse muli bena balanda pali Wene? (Luke 24:27). “Ndi Mukate uwa mweo uwa fuma kuli Lesa ukufuma ku Mulu. (Yohane 6:33-35, 48-51). Amenii! “Ndi ulya Umuti wa Mweo (Ukutendeka 2:9;3:24) ukufuma mwibala lya edeni. Naba fyonse ifi fintu, NABA UNTU NABA.” (Ukufuma 3:13-15). Kabili **Ena alishibe na cilya Icitetekelo Icapwililika, ukutula Ena ali Messiya uwasubwa, ukutula Umupashi wa kwa Lesa wali Pali Wene** (Luke 4:14-21; Esaya 61:1-3; Yohane 4:25-26). Ena atile, “Nomba, Ine, ne Mwine, teti ncite akantu; lelo caba icitetekelo Candi muli Lesa.” **Kabili Lesa ali muli wene, Icebo ukulengwa ukumonekela. Kabili ilyo Icebo cakwa Lesa caisa muli imwe, cilalenga ukumonekela, pantu muli abacetekela.** Mwamona? Kabili uwacetekela aba “**icitetekelo cakwa Lesa ico iceenda muli imwe.**” (11Abena Korinti 4:13; Abena Galatia 2:19-20; Marko 11:22). Nalitemwa ukusambilisha pa fyo icitetekelo caba mu cine (Aba Hebere 11:1).

Ukwishiba ifyo Ena Ali, ukwabula ukutwishika nangu panono, Ena alishibe Ena ali Mwana wakwa Lesa. **Ena alicishibe cena, pantu Icebo calilangishe.** Icebo cakwa Lesa calangishe ifyo Ena Ali. Ena atile, “*Nga ndebomba imilimo yakwa Tata, lyena cetekeleni Ine; lelo nga nshilebomba ilya imilimo, mwi Ncetekela* (Yohane 10:37-38). Lelo nga ndecita, lyena tetekeleni imilimo, **pantu yena yaba Icebo icabulayo ukulangishiwa.**” Owe, nga kuti mwashibuka fye kuli cilya, pali miniti! Mulemona, **Icebo Cine cila mulangisha Wene, ifyo Wene Ali.** Ena ali Esaya 7:14, Esaya 9:6-7, Esaya 42:1-4, Esaya 53:2-12, ukutendeka 49:10, impendwa 24:17, Amalumbo 16:9, Esaya 9:1-2 (Mateo 4:12-17), Esaya 50:6, Sekeria 12:10 Amalumbo 34:20, Sekeria 9:9 (Luke 19:28-38), Amalumbo 18:15-18...kabili Ena atile, “Nani uwi nga Njebaula pa lubembu? “Mumashiwi yambi, “Nani uwinga Nangisha ukutula ubumi Bwandi ne milimo Yandi tailefikilisha filya fine ifyo Messiya alingile Ukucita?” **Tapali nangu umo uwinga sosa nangu cimo; pantu Ena Efyo Ali. Lyena Ena akwete Icitetekelo ukucetekela,** lyena; pali conse ico Ena asosele, kuti cacitika. [1]

Ena ali ukulangishiwa ukwa Cebo ca ilya nshita. Ena ali Esaya 9:6, “Kuli ifwe Umwana nafyalwa,” kabili na fimbipo. Kabili lyena Ena ali na cimbi Esaya 35, Esaya 28:19, cimo cine. Yalya, yonse yalya Amalembo ayo

ayalandilwe libela, Ena alishile ukulangisha cilya Cebo. Ena acitile filya fine ifyalingilwe ukucitwa muli bulya bushiku. Pantu, Icebo, ili Buku lyaba Cebo, kabili Icebo caba ni Lesa. [2]

Pantu Icebo calangishe, caliilangishe Umwine, ifyo Ena ali; kabili Icebo cine cilatulangisha ifwe: [1]

Ukusokolola 10:8-11, 1 Yohane 3:14, 1 Yohane 4:7-8, 1 Yohane 5:1-4, 18:20, Mateo 5:43-48, Marko 16:16-18, Abena Galatia 4:6, Aba Hebere 10:1-2, Yohane 7:37-39, Yohane 10:26-30, Abena Roma 5:1-5, Abena Roma 6:6,11, Abena Roma 7:1-6, Abena Roma 8:1, 11, 14-17, 1 Abena Korinti 13:1-13, 11 Abena Korinti 5:14-15, Abena Galatia 2:20, Abena Efese 1:13-14, Aba Hebere 4 :1-11 na yambipo.

Mwamona? “Ngo muntu ali Ntemwa, alasunga amafunde Yandi. Kabili nga ena ali Ntemwa, kabili nga ena asosa ukuti ena ali ntemwa, kabili tabaka amafunde Yandi (yonse muli yena), ena wa bufi, kabili ne Cine tamwaba muli wene.” (1 Yohane 2:3-6; Yohane 14:21).

Mwatila, “Cisuma, nshacetekela yonse...” Cisuma lyena, iwe waba fye uusha cetekela, epela fye. Nga Baibele efyo yasosa, cilya cilecilenga ukuba icalungama, cilya cilepwisha cena Umuyayaya. Ifyo Baibele yasosa, e Cine. Nomba, mwamona, **Ena alishibe ifyo Ena ali, eico kanshi Ena ali kwete Icitetekelo. Icitetekelo kuti caleta ilyo Ena aishibe ifyo Ena ali nomba,** “Nga mwaikala muli Ine, ne Cebo Candi muli imwe,” **lyena namwishiba ifyo mwaba.** “Lombeni ico mulefyaya, cikapelwa kuli imwe.” (Yohane 15:7).

Bushe cilya teti cibe icawama, nga uli onse kuti aisa muli ulyo mulongo wakupepelwa, ukusosa, “Ndi Mwinakristu. Nshikwete ukusekwa. Ni njishiba umutima wandi tauleenseka. Icintu cimo cilenjeba ukutila ilya empela ya kucula kwandi”? ukutila, muli no kucita. Muli no kufuma muno ne cintu cimo. Te mulandu ifyo mwisa ne fya kumfwa umfwa, te mulandu ifingi ifyo mucita, **teti cibombe mpaka cilye Citetekelo icapwililika camonekela no kwishibikwa icine muli imwe, nge cituntulu.** Kabili ilyo cili mulya, lyena takuli nangu cimo icinga mutenkanya ukufuma kuli cena.

Nga mwali kwete impwalonda, kabili doctor alimwebele mailo ukutila mwali no kufwa ilyo tabulaca mailo, (umutima wenu onse, imipemene yenu yaleka, impwalonda naimulya, umwakupita umulopa mwaba umupwilapo impwalonda yeka yeka, conse ifyo cili); **kabili icintu cimo caisa ne ci cituntulu ica ici icitetekelo ica cine cine, Icitetekelo Icapwililika**

calengwa icituntulu muli imwe, imwe kuti mwaseka mu cinso ca ulya doctor.

Yesu alikwete Icitetekelo icapwililika. Ena ali cikwete, kabili caliishile pa mulandu Ena ali Cebo. Kabili imwe mulesa mukuba Icebo; mulesa mukuba Icebo, ilyo mulepokelela Icebo. “Nga mwaikala muli Ine, kabili ne Fyebo Fyandi fyaikala muli imwe. Ifyebo Fyandi icili...” (ici Cebo) “ukwikala muli imwe, lyena lombeni ico mulefwaya, kabili cikamucitilwa.” Mwamona? **“Nga mwasosa kuli ulu lupili, ‘Sela,’ kabili tamuletwishika, lelo ukucetekela mu fyo mwasosa, lyena muli no kukwata ifyo mwasosa. Ilyo mwapepa, cetekeleni ukuti na mupoka ifyo mwalombelapo, kabili mu kafikwata; fili no kupelwa kuli imwe.” (Marko 11:23-24).** Inshita, ukulepa, takuli nangu cimo icingapilibula cena. **Namwishiba nacicitwa. Cena nacipwishiwa kale.**

Nomba, lolekesheni! Nomba, kabili Ena atile kuli ifwe, “Nga mwaikala muli Ine, kabili ne Cebo Candi muli imwe,” Yohane Washila, pano, “kuti mwalomba conse ico mulefwaya, cili no kucitwa.” (Yohane 15:7) **lyena, ishibeni icifulo cenu mu Malembo, ngo wacetekela (1 Abena Tesalonika 1:4-6).** Mwamona, **mulingile ukwishiba icifulo cenu, nge fyo Ena aishibe icifulo Cakwe.**

Nomba, mulingile ukucetekela ifyo mwalombelapo. **Nga muli uwacetekela, ishibeni mwebene ngo wacetekela.** Ishibeni ukutila ifi fintu fyenu.

Nga muli ukusekwa mu bumi bwenu, lungamikeni cilya intanshi. Mwamona? Nga namukwata ukusekwa kuti mwakwata abantu na bambi ikumi limo na babili abenga kwata icitetekelo ukwisa kuno no ku mupepelako imwe, no kutoloka toloka, no kupongolola amafuta pali imwe mu ma gallon, teti cisele. Cilya cishinka.

Kabiyeni kalungamikeni cilya cintu. Kabiyeni kulya no kuyebelela lulyo lubembu ku mulume wenu, ku mukashi wenu. Kabiyeni kaciteni ici cintu. Tacakatale ukumucitila icisuma nangu cimo, te mulandu uo mulepepelako, mpaka mwalungamika cilya. Ukusekwa kulaba mu mutima wenu, **kabili Lesa teti ese muli ulya umutima uwasekwa.** Mwamona? Lesa tekala muli cilya; **mulingile mwalungamika cilya.** Lyena ilyo mwacita, mulingile mwakwata icitetekelo. Nga ifintu fyonse fili fye bwino, mulingile mwakwata icitetekelo no kucetekela cena. Mwiumfwo mwenso. Mwi buku lya kwa Yobo, iilesosa pano, “Yobo ali no mwenso.”

Kabili ico aletina, cena mucine calicitike. Cinshi icaciletele? Umwenso wakwe (Yobo 3:25). Cilya e calengele ukuti cicitike. **Icitetekelo cakwe nga cali mucingilile kuli cena, lelo umwenso wakwe waletete cena kuli wene.**

Ena aleumfwa umwenso cali no kucitika, kabili cali citike. Nomba, ena aliishibe cena teti cicitike, cena teti cicitike. Mwamona ico ndepilibula? [1]

Moneni, mwamona, **kapepa uwacetekela aleishibikilwa pamo ne lambo lyakwe, ku cishibilo. Kapepa uyo uwacetekele Yehoba, kabili ali kumanishe ifyo Yehoba alefwaya, ali ishibishe umwine pa kubika icishibilo ku mwine na ku ng'anda yakwe, cilya cali, kapepa alicetekele cilya (Ukufuma 12:1-3). Icipasho icapwililika cakwa Kristu ca buno bushiku! Iyena, umulopa wali icishibilo ica kwishibilako, ukutula uyu uwacetekela nakumanisha kale ifyo Yehoba afwaya. "Kabili ndi uwa shininkisha ukutula malaika wa mfwa ali no kucilila pa ng'anda yandi, pa mulandu ni nkumanisha icishibilo cakwa Yehoba. Umwana wa mpaanga alifwile, mu cifulo, pa lupwa lwandi na batemwikwa bandi abali pesamba lya uyu mulopa, kabili cilya palya icishibilo ukutula umwana wa mpaanga na fwa." Amenii. "Cilya palya icishibilo. Ifyo Lesa alefwaya fya fikilishiwa." Amenii. Ilyo natontonkanya pali cena, umutima wandi uleanga ku nsansa.**

Nomba ifwe natukwata Icishibilo muli buno bushiku. **Ifwe natupelwa Icishibili ico icaba icakupashanyako ca cilya icipasho. Ica cilya icishibilo ca cifyalilwa, ifwe natupelwa Icakupapusha, Icishibilo icapulamo.** Fyonse filya ifyali mu cinshingwa nafipelwa kuli ino nkulo, nakupelwa Icishibilo. **Nomba twalikwata Mupashi wa Mushilo, e Cishibilo cesu, kabili caba cakulangishako ifwe ukutula twali sumina imfwa ya Mwana wa mpaanga.** Tacali fye Yesu ukuba ubumi ubwa muntu ukubwelela pali ifwe, **lelo cali ni Lesa Umwine ukumonekela mu mubili, ico icabwesesho pali ifwe, ukubikwa mu bwana, ukutula nomba tuli bana baume naba banakashi bakwa Lesa. Cilya e Cishibilo. Cilya caba icakwishibilwako cesu ca cakucilila. Caba icakwishibilwako cesu ukutula na tucetekela Lesa, kabili Lesa napokelela.**

Kunuma kulya tabakwete Imbila nsuma ngefyo twaikwata ilelo, yasambilishiwe mu fisumino kabili yapitile mu fya ntambi, pantu Mupashi wa Mushilo wali taulapelwa.

Lelo, ilelo, natukwata Icituntulu. Tatwa kwatafye imimonekele, atemwa ifya kubomfya; **imwe teti musende Umulopa wa kwa Yesu Kristu no kuushinga pa mutima uuli onse. Lelo Lesa atumine mukubwesha Mupashi wa Mushilo, cilya e Cishibilo icali pa muntu, mu mutima wa muntu. Kabili cilya caba icakwishibilwako cenu ukutula na musumina amapange yakwa Lesa, na mukumanya ifyo Yehoba alefwaya; Ena akumanishe fyena pali imwe pa Kalbale, kabili imwe na mukumanisha fyena pa makufi yenu.** Kabili Lesa napela kuli imwe Icishibilo

cacilangililo, **ukubwela kwa Mupashi uyo uwali pali Kristu, uuli muli imwe, kabili icishininkisho ica kwishibilwako ca Bumi Bwakwe, imfwa, ukushikwa, no kubuka**, kabili aba mweo umuyayaya, nomba mu Lukuta lwa ba cetekela. Amenii. Caba icishibilo icituntulu, icakulangililako icishibilo.

Nomba Umulopa wali sumishiwe pa Kalbale, wapongolokele pa mushili, kabili natukwata Icishibilo **ica Mulopa, ico caba ulubatishe lwa Mupashi wa Mushilo, ukutulangisha ifwe nga abacetekela** (*Abena Efese 1;13-14;11 Abena Korinti 1:21-22*).

“*Kabili ifi fishibilo fikakonka abo abacetekela,*” (*Marko 16;17-18*), te bakuluumbula fye, **lelo abacetekela abaishibikwa!** “Fyena teti fikonke. Fyena nalimo fikacitika. Nalimo fikacitika”? Yesu atile, “Fikakonka abo abacetekela.” Caba fye icishinga citwa cena ukukana citika! “Imilimo iyo ncita naimwe mukacita.” (*Yohane 14:12*). **Cilya e cakuishibilwako. Icakuishibilwako ca kwa Yesu cali ukulangisha Icebo ca kwa Lesa, ico Ena ali. Kabili icakuishibilwako ica Lukuta ilelo caba ukulangisha Icebo ica bulayo ica buno bushiku, ku Mupashi umo wine ico ica langishe no kuleta ku mweo Icebo lyena. Umupashi umo wine uleta ku mweo Icebo ku wacetekela ilelo no kulangisha icintu cimo cine, ukulangisha ukutula Icishibilo cili pali uyu muntu ilelo, ico caba Ubumi ubwa bushiwa ubwa kwa Yesu Kristu ukwikala mu wa cetekela Wakwe. Owe, cilya cilingile ca ambusha ulukuta no mulilo! Kabili cilya cishinka, icishinka fye nganshi nge fyo cingaba.**

Ifwe tulingile ukwishibikwa fwe bene pamo ne Lambo lyesu. Ifwe tulingile twaishibikilwa mu mfwa Yakwe. Ilyo umu Yuda abikile indupi shakwe pe lambo, ena aleilangisha umwine, ukubika imembu shakwe pe lambo lyakwe, kabili ilambo lyalifwile. **Nomba tulebika indupi shesu, ku citetekelo, pali Yesu Kristu, kabili twaishibikilwa pamo Nankwe mu mfwa Yakwe.**

Te mu mfwa Yakwe yeka, **lelo, nga ifwe twapokelelwa, ifwe tatwishibikilwa te mu mfwa Yakwe yeka lelo na mu kubuka kwakwe** (*Abena Roma 6:3-5*). Lelo ku Bumi ubwali muli Wene, bulatumwa ukubwekela pa wacetekela, nge cishibilo, icibukisho ukutula imfwa naifuma pali cena, kabili Lesa na mukakatika imwe mu Bufumu bwakwa Lesa mpaka ubushiku bwa kulubuka kwenu (*Abena Efese 4:30*).

Imbila nsuma iya cine cine, iyasanguluka nge fyo naishiba yena! Nalishiba cishinka. Naliyeshu. Takwaba cisumino cimbi, takwaba ifya kubomba bomba, takwaba imibombe, takwaba ifya malele, takuli nangu cimo. Caba fye icitetekelo ica sanguluka icishalundwamo mu Cebo ca kwa Lesa ne

milimo iya wishiwa iyo Lesa alefwaya pa Kalbale, ukwishiba ukutula tapali nangu cimo ico twingacita ukuipususha fwe bene. **Ifwe tusumina fye ifyo Wene atucitile ifwe.**

Abrahamu acetekele Lesa kabili calingilwe kuli wene ubulungami. E ico Lesa amupele wene icikakatikilo ca kusembululwa (*Abena Roma 4:11-12*), nge cishibilo ukutula ali pokelele icicetekelo cakwe. Ilya palya Imbila nsuma.

Nomba ilyo twalumbula ukutula twali cetekela Lesa, **lyena Lesa ali no kulangisha icitetekelo cesu, pa kutupela ifwe Icishibilo ca Mulopa wakwa Yesu, ulyo umulimo uwapwishiwa pa mulandu wesu pa Kalbale, lyena Ubumi bwesu bwaba muli Ena. Ubumi bwe Lambo Iyesu buli muli ifwe.**

Lelo nomba Ubumi ubwali mu Mulopa bulesa mukuba Icishibilo. Kabili nomba ilyo twaishibikilwa fwebene mu mfwa Yakwe, ukushikwa, no kubuka, pa kucetekela muli Wene na pa kubatishiwa mu mumfwa Yakwe, ukushikwa, no kubuka (*Abena Roma 6:3-5*). Ilyo twabushiwa, Mupashi wa Mushilo ali palya ukutupela Icishibilo, icishibilo ca Muyayaya ukulembwa pa mitima yesu, umweo, imipangilwe, amano, umubili, ne fintu fyonse ifyashala, ukutula muli umuntu uwa patulwa, ukufuma mu kukana cetekela. Muli umuntu uwapatulwa, ukufuma ku fintu ifya mwi sonde. Imwe mwali patulwa ku mfwa. Imwe mwalipatulwa ku fintu fyonse. Kabili muli icipe ico Lesa akakatika mu Bufumu, ku Mupashi wa Mushilo.

Takuli ciwa, takuli ubulwele, takuli imfwa, takuli ubulanda, nangula icili conse icashala, icinga mucusha ilyo lyonse mwikatilile cilye Cishibilo pali cena. Amenii. Icitetekelo cenu icishiteluka cilaleta cilya, kabili cilapanga icipasho cakwa Yesu Kristu, Icipasho ico muleendamo ilelo.

“Kabili ilyo nkamona icishibilo, Nka mucilila.” (*Ukufuma 12:13*). Caba cilangililo, **caba cilangililo ukutula umutengo naulipilwa.** Yesu ali lipile umutengo, kabili mwali pokelele cena ukufuma kuli Wena. Ukwikatilila Icishibilo mu kuboko kwenu, na mukwata icishininkisho ca kubuka. **Namukwata icishininkisho ukutula ifintu fyonse ifyo mulekabilapo, muli buno bulendo, fyalipelwa muli cilye Cishibilo ica kucula Kwakwe pa Kalbale, uko Ena akumanishe umutengo uwa citipu conse ico icinga bikwa pali imwe. Cilye Icishibilo icilanda umutende. Amenii.**

Takuli ciwa nangu umo uwingeminina Cena. Takuli nangu cimo icingeminina ku ntanshi ya Cena, **pa mulandu Lesa na pokelela Cena.**

Kabili namwikatilila Icishibilo mu kuboko kwenu, ukutila umutengo wali lipilwa. **Owe, caba Icishibilo icituntulu.** [2]

Kabili nombamba uyu ali Umwana wa mpaanga uwa pwililika, Kristu efyo ali (Yohane 1; 29). Kabili lyena ukupitila mukusumya kwa uyu umwana wa mpaanga, umwana wa mpaanga wa cifyalilwa mu Eguptii, umulopa wa lishingilwe, kabili, ilyo wacitilwe, waiminineko Icishibilo, lyena inga Umulopa wa Mwana wa mpaanga kuti waimininako finshi? Mwamona? **Icishibilo ukutila twalifwa kuli fwebene no kwishibikilwa pamo ne Lambo Iyesu (Abena Roma 6; 6-11).** Mwamona? **Lyena, Umwana wa mpaanga kabili no Mulopa no muntu filesa mukwishibikilwa capamo, Ilambo no wacetekela. Mwamona, imwe muleshibikwa mu bumi bwenu, kwi Lambo lyenu.** Cilya e cilenga imwe ukuba fintu mwaba.

Lyena umulopa wali icishibilo, atemwa icakwishibilwako. Umulopa walangishe kapepa ukutila aliipeye umwana wa mpanga, no kupokelela umwana wa mpaanga, no kubika icishibilo ku mwine eka, ukutila ena tali na nsoni. Ena tasakAmenie uyo uwa mwene cena. **Ena alefwaya umuntu onse ukumona cena, kabili cabikilwe mu cifulo ica filya pakutila umuntu onse ulepita enga mona cilya cishibilo.**

Mwamona, abantu abengi bafwaya ukuba Abenakristu, kabili balitemwa ukucita ici mubumfisololo pakutila umuntu nangu umo eishiba ukutila bena te Benakristu, atemwa abo ampana nabo. Nombamba, mulemona, bulya te Bwinakristu. **Ubwinakristu bulungile ukulangisha Icishibilo cabuko,** mwamona, pa cintu bwingi, **mu bumi bwa cintu bwingi,** kwi ofeshi, pa musebo, ilyo kwaisa amafya, icintu icili conse, mu lukuta, ukuli konse ukwashala. **Umulopa e Cishibilo, kabili Icishibilo cilingile ukubikwa,** mwamona, nga te ifyo icipangano ta cibomba.

Umulopa wali icishibilo, nangula icakwishibilwako, ukulangisha uyu muntu nalubulwa. [3]

Ni cinshi icishininkisho ukutila umuntu mucine cine aliisushiwa na Mupashi wa Mushilo?

Ilyo Umupashi waisa, **Ena akamulangisha ifintu ifileisa.”** (Yohane 16:13-14). Mwamona? Ena ali no kulenga cena ukupwililika; icapangwa no muntu teti cicicite; kabili Ena e Cebo. Ilyo Wene Mupashi wa Mushilo ukesa. **Wene akeshibikilwa pamo na imwe pamo na Malembo. Kabili cilya e cilangililo ica cine ukutila Mupashi wa Mushilo ali muli imwe, pantu Cena Cebo.** [4]

Kabili ilyo tulelolesha mu Cebo cakwa Lesa, lekeni tuilangishe fwebene, pantu Ena apele bamo mulya ukuba ifilangililo ifyo tulingile ukuba. E ico

lekeni tumone nga kuti twalangisha imibele yesu nomba naba misango ya mu Baibele. [5]

Imwe kuti mwailangisha mwebene apali ponse muli yalya Malembo nga muli Benakristu. [6]

Nomba lekeni tulolekeshe mu cilola ca kwa Lesa, Icebo Cakwe (Yohane 1:22-25), no kulangisha imisango yesu iya nomba ku misango ya bamo mu Baibele. Imoneni mwe bene! **Lekeni tulolekeshe muli Ici no kumona nga mwaimona mwebene ukulangishiwa na ba misango bamo muli Baibele.** Mwamona ifyo bacitile mu nshita sha mafya yamo, no kumona ifyo tulecita nomba. Nomba mu ngumfwikishe nomba, **moneni imisango iyo mukwete nomba nga Benakristu.**

Nomba kuti mwapingula. **Cilya teti cilenge nangu umo ukumipingula imwe; mulaipingula mwebene, mwamona (1 Abena Korinti 11:31).** Tapali nangu umo ulemipingula imwe. Nshile mipingula. Lelo lekeni tulanishe, tumone ifyo cilangisha ukufuma ku ba misango bamo aba mu Baibele, ilyo tulebalumbula, no **kumona ifyo imisango yenu ili pali ino nshita. Nomba moneni, Icebo cilalenga imisango,** twali ishiba cilya, nomba tulalolekesha mu cilola Cakwe no kuilangisha fwebene ku muntu umo muli Baibele. [5]

Icintu cimo cine, pakuba Umwinakristu uwacine, mulingile ukwishibikilwa pamo na cena. Nashimikile pamo na Noa, no kusoka abantu pa bupingushi ubwaleisa; ukuba Umwinakristu uwacine.

Nali pamo na Mose pa cimpusa icaleaka. Nalimwene Ntumba ya Mulilo. Nalimwene Ubukata Bwakwe. Nali pamo na Mose mulya mu ciswebebe, ukuba Umwinakristu. **Ningile ukwishibikilwa ne fintu fyonse Lesa ali, ukuba Umwinakristu.** Nalimona ubukata bwakwe. Nalyumfwa Ishiwi Lyakwe. Mwilaesha ukulondolola ukutalusha cena kuli ine nomba, pantu nali kulya. Ninjishiba ico ndelandapo. Nalimona ico icacitike. Ee, mukwai.

[7]

Lesu mu muntu. Kabili Ena aleilangisha Umwine ilelo mu lukuta Lwakwe. Mu mwinakristu uwafyalwa libili, Lesa alailangisha. Umwine, ukutula Ena acili ni Lesa. Kabili **isonde ilya kunse bakeshiba fye Lesa ilyo balemona Lesa muli imwe na ine.** Ilya e nshila fye yeka bakeshiba Lesa, ni lilya ilyo twaba inkalata ishalembwa, inkalata sha Malembo, tulabelengwa na bantu bonse (11 Abena Korinti 3:2-3). Kabili **ubumi ubo twikala bulangisha fye ico icaba mukati ka ifwe. Umuntu alangishiwa ne milimo iyo ena acita.** E ico imilimo yesu ilingile ukuba iisuma,

mwamona, lyonse iisuma, pa mulandu tuleimininako Shikulwifwe Yesu Kristu. [8]

Kabili ilelo Ena naiminina mukati kesu, mu muntu wa Mupashi wa Mushilo, ukuilangisha Umwine ukucilapo no kucilapo, ukwisa mu Lukuta Lwakwe, ukuilenga Umwine ukwishibikwa; pa mulandu, Wene, kabili na Nabwinga kabili na Shibwinga bakaba cimo cine, ukuilenga Umwine ukwishibikwa. Kabili ubushiku bumo mukesa mona ukutila ulya Wine uo mwaleumfwa mu mutima wenu, no kumona ukumonekela Kwakwe, akesa ba mu bantu ku cinso cenu, lyena imwe na Ena mwaba Umo.

Imwe muli aba ampaniwa ne Cebo. Kabili Icebo, cali mu kutendeka, cikabwelela ku ntendekelo, icaba ni Lesa. “Kabili bulya bushiku mukeshiba ukutila Ndi muli Tata, Tata muli Ine; Ine muli imwe, kabili imwe muli ine.” (Yohane 14:20). Alleluya! Ifwe tuli pano. Alleluya! **Ndi uwansansa nganshi uku mumona Wene ukuilangisha mu buntu Umwine pakati kesu, no kumona ifyo Ena alaile pa Cebo;** te fya kuumfwa umfwa fya muntu umo, ukwimba, no kutoloka, no kushana. Lelo ku Cebo Cakwe, Amenii, Ena aleilenga Umwine ukwishibikwa. [9]

Kabili ifwe tuli pano, Inshita ya Laodikea, Inshita ya Sodomu, kabili ifwe tuli pano. Bukapyunga bwaliisa mu musango uwa Cebo. Kabili **ndecetekela, inkama shonse isha kwa Lesa, Shena shali shimikilwa kale. Nomba cili ukwishibikwa kwa kwa Kristu mukati ka bantu Bakwe, Lesa ukubomba mu mubili wa muntu (11 Yohane 7).** [10]

Umwakumona:

- [1] “Icitetekelo Icapwililika” (63-0825E), par. 64-70, 74-79, 93-94, 97- 98,101-102
- [2] “Icishibilo” (63-1128E), par. 26-47-63
- [3] “Icishibilo” (63-0901M), par. 67-71
- [4] “Amepusho na Masuko” (64-0823E), COD pg. 1040, Q-No 318
- [5] “Ukwishibisha” (64-0216), par. 27,91-92
- [6] “Amepusho na Masuko” (64-0830M), COD pg. 1104, par. 197
- [7] “Lesa Impalume Ukumonekela Ku Ntanshi Yesu” (64-0629), par. 189-191
- [8] “Umutende” (64-0112), par. 9

- [9] “Ukubombela Lesa Umulimo Ukwabula Ukuba Ubufwayo Bwakwa Lesa” (65-0718M), par. 174
- [10] “Yesu Kristu Cimo Cine Mailo, Ilelo, No Muyayaya” (63-0627), par.247